

Bosna i Hercegovina  
Federacija Bosne i Hercegovine  
FEDERAČNO MINISTARSTVO  
OKOLIŠA I TURIZMA

Javno komunalno preduzeće  
„RAD“ d.o.o. KLJUČ  
BROJ 263/13  
DATUM 28.03.2013

Bosnia and Herzegovina  
Federation of Bosnia and Herzegovina  
FEDERAL MINISTRY OF  
ENVIRONMENT AND TOURISM

Broj: UP-I 05/2-23-11-27/13  
Sarajevo, 22.3.2013. godine

Temeljem članka 55. Zakona o upravljanju otpadom (Sl.novine Federacije BiH, broj: 33/03 i 72/09) i članka 4. i 6. Pravilnika o sadržaju plana prilagođavanja upravljanja otpadom za postojeća postrojenja za tretman ili odlaganje otpada i aktivnosti koje poduzima nadležni organ (Sl.novine Federacije BiH, broj: 9/05), te članka 200. Zakona o upravnom postupku ("Službene novine Federacije BiH", broj: 02/98), federalna ministrica okoliša i turizma, d o n o s i

### RJE ŠENJE

Odobrava se Plan prilagođavanja upravljanja otpadom za komunalnu deponiju na lokaciji „Peći“, općina Ključ, kojom upravlja JKP „RAD“ d.o.o., Branilaca BiH bb, 79280 Ključ.

### O b r a z l o ž e n j e

Dana 06.02.2013.godine pod brojem: 05-49-28/13, općina Ključ podnijela je zahtjev za odobrenje Plana prilagođavanja upravljanja otpadom za općinsku deponiju na lokalitetu „Peći“ Ključ, Federalnom ministarstvu okoliša i turizma. Federalno ministarstvo okoliša i turizma Sarajevo je isti zaprimilo 07.02.2013. godine pod brojem UP-I 05/2-23-11-27/13. Konzultantska firma „Enova“ d.o.o. Sarajevo bila je obrađivač predmetnog Plana.

Nakon analize sadržaja dostavljenog Plana prilagođavanja i drugih relevantnih dokumenata utvrđeno je da je predmetni Plan urađen u skladu sa odredbama Zakona o upravljanja otpadom (Sl.novine Federacije BiH, broj: 33/03 i 72/09). Također je utvrđeno, da je Plan urađen u potpunosti po zahtjevima odredbi članka 2. Pravilnika o sadržaju plana prilagođavanja upravljanja otpadom za postojeća postrojenja za tretman ili odlaganje otpada i aktivnosti koje poduzima nadležni organ (Sl.novine Federacije BiH, broj: 9/05), te da je plan prilagođavanja odgovorio propisanim zahtjevima u pogledu sanacije negativnog utjecaja koje deponija ima na zdravlje ljudi i okoliša. Važno je istaći, da je Plan propisao mjere koje se trebaju poduzeti radi sprječavanja nastajanja otpada, utvrdio metode tretmana otpada, te dao konkretan programom mjera za poboljšanjem stanja postojeće deponije po fazama, koje će umanjiti negativan utjecaj na okoliš i zdravlje ljudi do konačnog zatvaranja općinske deponije na ekološki ispravan način i uspostavu reciklažnog dvorišta i/ili transfer stanice sa pratećim skladištima i prostorom za otpad na istom lokalitetu, što je obrađeno u idejnom građevinskom projektu.

Također, sukladno članku 4., uprava JKP „RAD“ d.o.o. Ključ imenovala je aktom br. 39/13 od 04.02.2013.godine, Sebihu (Hamze) Čajić za odgovornu osobu za provođenje ovog Plana.

Na taj način se operator deponije obavezuje da postepeno uđe u proces zatvaranja predmetne deponije i pristupiti postupku rješavanja zbrinjavanja komunalnog otpada putem regionalnog-međuopćinskog centara o upravljanju komunalnim otpadom, što je i krajnji cilj federalne Strategije upravljanja otpadom, Akcijskog plana i Federalnog


plana upravljanja otpadom, te tako učestvovati u uspostavi sustava suvremenog koncepta rješavanja problematike zbrinjavanja otpadom u Federaciji BiH odnosno cijeloj Bosni i Hercegovini.

Ovim rješenjem su se tako stekli svi zakonom propisani uvjeti da se odobri Plan prilagođavanja upravljanja otpadom za komunalnu deponiju na lokalitetu „Peći“ Ključ, kojim upravlja JKP „RAD“ d.o.o. Ključ, te je odlučeno kao u dispozitivu ovog rješenja.

Ovo rješenje je konačano i protiv njega nije dopuštena žalba.

Protiv ovog rješenja može se pokrenuti upravni spor podnošenjem tužbe kod Kantonalnog suda u Sarajevu u roku od 30 dana od dana prijema rješenja.

Tužba se podnosi u dva istovjetna primjerka i uz istu se prilaže ovo rješenje u originalu ili ovjerenom prijepisu.



**MINISTRICA**

**Branka Đurić**

Dostaviti:

- ⊖ Naslovu,
- Općini Ključ
- Federalnoj upravi za inspekcijske poslove Sarajevo
- Dokumentaciji
- Arhivi